



Broj: JN1-03-16-7-28-7/21  
Sarajevo, 17.5.2022.

Na osnovu čl. 69. stav (3) i 70. Zakona o javnim nabavkama ("Službeni glasnik BiH", broj 39/14) i Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08), Kolegij Sekretarijata Parlamentarne skupštine Bosne i Hercegovine u postupku nabavke usluga interneta za potrebe Parlamentarne skupštine Bosne i Hercegovine, donosi

## **ODLUKU o otkazivanju postupka nabavke**

### **I.**

Postupak konkurenškog zahtjeva za dostavu ponuda za nabavku usluga interneta za potrebe Parlamentarne skupštine Bosne i Hercegovine otkazuje se zbog poništavanja postupka javne nabavke u potpunosti od strane Ureda za razmatranje žalbi, Rješenjem, broj: JN2-01-07-1-875-7/22, od 28.4.2022. zaprimljenim kod Ugovornog organa 12.5.2022.

### **II.**

Ova odluka objavit će se na web stranici ugovornog organa [www.parlament.ba](http://www.parlament.ba), istovremeno sa upućivanjem iste ponuđačima koji su učestvovali u postupku javne nabavke, shodno čl. 70. stav (6) i 71. stav (2) Zakona o javnim nabavkama.

## **Obrazloženje**

Postupak javne nabavke pokrenut je Odlukom o pokretanju postupka javne nabavke usluga interneta za potrebe Parlamentarne skupštine Bosne i Hercegovine, broj: JN1-03-16-7-28/21, od 1.12.2021. Ukupna procjenjena vrijednost nabavke za period dvije godine iznosila je 40.000,00 KM sa PDV-om. Komisija za javnu nabavku imenovana je Rješenjem Kolegija Sekretarijata, broj: JN1-03-16-7-28/21, od 1.12.2021. Tenderska dokumentacija, broj: JN1-03-16-7-28-5/21, od 27.1.2022. objavljena je u sistemu „E-nabavke“, kao i Obavještenje o nabavci, broj: 166-7-2-1-3-14/22, od 27.1.2022. Poziv za preuzimanje tenderske dokumentacije iz sistema "E-nabavke" upućen je na četiri ponuđača i to:

1. LOGOSOFT d.o.o. Sarajevo, Igmanska 9, 71 000 Sarajevo
2. M-TEL a.d., Vuka Karadžića 2, 78 000 Banja Luka
3. BH TELECOM d.d., Zmaja od Bosne 88, 71 000 Sarajevo
4. JP HRVATSKE TELEKOMUNIKACIJE D.D. MOSTAR, Kneza Branimira bb, 88 000 Mostar

Tendersku dokumentaciju za nabavku usluga interneta iz sistema "E-nabavke" preuzelo je ukupno 9 ponuđača. Dana 1.2.2022. ponuđač DD BH Telecom Sarajevo je putem sistema "E-nabavke" postavio pitanje u vezi s tenderskom dokumentacijom, na koje je odgovoreno 3.2.2022.

Na Tendersku dokumentaciju Ugovornog organa Žalbu je dana 7.2.2022. uložilo Dioničarsko društvo BH Telecom Sarajevo, Direkcija Sarajevo sa tri žalbena navoda. Navedena žalba je zaprimljena pod brojem: JN2-03-16-7-1/22, od 7.2.2022. Komisija za javnu nabavku Ugovornog

organa razmotrila je Žalbu ponuđača Dioničarsko društvo BH Telecom Sarajevo, Direkcija Sarajevo, te svoje Izjašnjenje po žalbenim navodima, pod brojem: JN2-03-16-7-1-2/22, od 9.2.2022 dostavila Kolegiju Sekretarijata.

Kolegij Sekretarijata je u potpunosti bio saglasan sa zauzetim stavovima Komisije za javnu nabavku iz Izjašnjenja, broj: JN2-03-16-7-1-2/22, od 9.2.2022., te shodno tome ocijenio da su I. i II. navod Žalitelja neosnovani u pogledu kojih je dao svoje Izjašnjenje, broj: JN2-03-16-7-1-3/22, od 9.2.2022., koje je zajedno sa žalbom i ostalom dokumentacijom proslijedio na razmatranje i odlučivanje drugostepenom organu, dok je III. žalbeni navod ocijenio osnovanim, te donio Rješenje o djelimičnom usvajanju žalbe, broj: JN2-03-16-7-1-4/22, od 9.2.2022. kojim je naloženo brisanje spornog uslova/dokaza iz tehničke i profesionalne sposobnosti Tenderske dokumentacije Ugovornog organa. O ulaganju žalbe na tendersku dokumentaciju Ugovorni organ je uredno obavijestio sve učesnike u postupku i odgodio dalji nastavak postupka.

Ured za razmatranje žalbi je dana 17.3.2022. dostavio svoje Rješenje, broj: JN2-01-07-1-403-7/22, od 10.3.2022. kojim je poništeno Rješenje o djelimičnom usvajanju žalbe Ugovornog organa, broj: JN2-03-16-7-1-4/22, od 9.2.2022. i predmet vraćen Ugovornom organu na ponovni postupak u fazu odlučivanja po žalbi Žalitelja od 7.2.2022. iz razloga procesne povrede postupka, jer donesenim rješenjem Ugovorni organ nije cijenio sve žalbene navode i zahtjeve Žalitelja usljed čega je neodrživo.

Komisija za javnu nabavku Ugovornog organa postupajući po Rješenju Ureda za razmatranje žalbi, broj: JN2-01-07-1-403-7/22, od 10.3.2022. u ponovljenom postupku - fazi odlučivanja po žalbi Žalitelja Dioničarsko društvo BH Telecom Sarajevo, Direkcija Sarajevo od 7.2.2022. izjavljene na Tendersku dokumentaciju Ugovornog organa, utvrdila je novo Izjašnjenje, broj: JN2-03-16-7-1-7/22, od 18.3.2022. u kojem je konstatovano da ostaje pri ranije zauzetom stavu u pogledu ocjene žalbenih navoda Žalitelja. Kolegij Sekretarijata je postupajući po Rješenju Ureda za razmatranje žalbi, broj: JN2-01-07-1-403-7/22, od 10.3.2022. u ponovljenom postupku - faze odlučivanja po žalbi Žalitelja, nakon konstatovanja urednosti prethodnih procesnih pretpostavki, u potpunosti saglasan sa zauzetim stavovima Komisije za nabavke iz Izjašnjenja, broj: JN2-03-16-7-1-7/22, od 18.3.2022., te cijeni da je III. žalbeni navod osnovan i usvaja žalbu u tom dijelu tj. uslov/dokaz da ponuđač treba da raspolaže minimalno jednom certificiranom stručnom osobom sa certifikatom Cisco CCNP-Data Center treba brisati iz Tenderske dokumentacije Ugovornog organa, dok I. i II. žalbeni navod Žalitelja cijeni neosnovanim i odbija žalbu u tom dijelu s obrazloženjem, donoseći ponovno Rješenje o djelimičnom usvajanju žalbe, pod brojem: JN2-03-16-7-1-8/22, od 24.3.2022. O postupanju po Rješenju Ureda za razmatranje žalbi – ponovno odlučivanje po žalbi DD BH Telecom, Direkcija Sarajevo od 7.2.2022., Ugovorni organ je uredno obavijestio sve učesnike u postupku i Ured za razmatranje žalbi.

Potom je ponuđač Dioničarsko društvo BH Telecom Sarajevo, Direkcija Sarajevo ponovo izjavio Žalbu, broj: 8.2-3.-38-9564-9/22 I.S., od 4.4.2022., zaprimljenu pod brojem: JN2-03-16-7-3/22, od 5.4.2022. na Rješenje o djelimičnom usvajanju žalbe Ugovornog organa, broj: JN2-03-16-7-1-8/22, od 24.3.2022., za koju je Ugovorni organ utvrdio da u potpunosti ostaje kod navoda iz ožalbenog Rješenja, u pogledu neosnovanosti žalbenih navoda i iskazanih troškova, te istu dostavio drugostepenom organu na razmatranje i odlučivanje.

Ured za razmatranje žalbi je dana 12.5.2022. dostavio svoje Rješenje, broj: JN2-01-07-1-875-7/22, od 28.4.2022. kojim je Žalba ponuđača Dioničarsko društvo BH Telecom Sarajevo, Direkcija Sarajevo od 4.4.2022. usvojena i u potpunosti poništen postupak javne nabavke, a na osnovu kojeg je Kolegij Sekretarijata, u smislu čl. 69. stav (3) Zakona o javnim nabavkama odlučio kao u dispozitivu.

**Pravna pouka:**

Protiv ove odluke može se izjaviti žalba Ugovornom organu u pisanoj formi direktno ili preporučenom poštanskom pošiljkom u roku od 5 (pet) dana od dana prijema ove odluke u dovoljnom broju primjeraka, koji ne može biti manji od 3 (tri).

Dostavljeno:

- svim učesnicima u postupku
- Sektoru za finansije
- a/a

**KOLEGIJ SEKRETARIJATA:**

**Mirza Imamović** \_\_\_\_\_

**Gordana Živković** \_\_\_\_\_

**Marin Vukoja** \_\_\_\_\_